



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 10. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU STRANKE UDRUŽENJA PENZIONERA KLADANJ

Broj: 03-07-6-15/09  
Sarajevo, 17. mart 2010. godine

## S A D R Ź A J:

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE REVIZIJE .....	5
5. NALAZI I PREPORUKE .....	5
5.1. NALAZI .....	5
5.2. PREPORUKE .....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Stranke udruženja penzionera Kladanj i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Stranka udruženja penzionera Kladanj je prekršila odredbe člana 11. stav (1) i (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene pod 1., nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka i člana 15.10 Izbornog zakona BiH.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Stranke udruženja penzionera Kladanj i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka udruženja penzionera Kladanj je iskazala prihode u iznosu od 5.200,00 KM, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u uk. prihodu %</b>
1	Članarina	0,00	0,00 %
2	Prilozi fizičkih lica	5.200,00	100,00 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pravnih lica	0,00	0,00 %
6	Prihodi od poklona	0,00	0,00 %
7	Prihodi iz budžeta	0,00	0,00 %
	Ostali prihodi	0,00	0,00 %
	<b>Ukupni prihodi:</b>	<b>5.200,00</b>	<b>100,00%</b>

U godišnjem finansijskom izvještaju Stranka udruženja penzionera Kladanj je iskazala ukupne rashode u iznosu 5.000,00 KM.

## 2. PREDSTAVLJANJE POLITIČKE STRANKE

Naziv političke stranke: Stranka udruženja penzionera Kladanj. Skraćeni naziv stranke je SUP Kladanj.

Stranka udruženja penzionera Kladanj je dana 24.04.2008. godine registrovana u Općinskom sudu Tuzla pod brojem 032-0-Reg-08-000747.

Sjedište političke stranke je u Kladnju, ulica Fadila Kurtagića bb.

Za zastupanje stranke ovlašten je Sadik Čamdžić, predsjednik.

Lice ovlašteno za podnošenje finansijskih izvještaja za 2008. godinu je Sadik Čamdžić.

Prema podacima iz godišnjeg finansijskog izvještaja za 2008. godinu, Stranka udruženja penzionera Kladanj nema nižih organizacionih dijelova.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke udruženja penzionera Kladanj za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim pregleda i kontrole** finansijskih izvještaja Stranke udruženja penzionera Kladanj obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE REVIZIJE

Kontrola se obavlja prvi put.

### 5. NALAZI I PREPORUKE

#### 5.1. NALAZI

**Stranka udruženja penzionera Kladanj je prekršila odredbe člana 11. stav (1) i (3) Zakona o finansiranju političkih stranaka.**

- Stranka udruženja penzionera Kladanj nije vodila evidencije o svojim prihodima i rashodima, čime je prekršila je odredbe člana 11. stav (1) Zakona o finansiranju političkih stranaka. Stranka je dopisom od 10.08.2009. godine obavijestila Centralnu izbornu komisiju BiH da nije imala materijalno i blagajničko poslovanje, da nema bruto bilans, niti Glavnu knjigu. Zbog nepostojanja adekvatnih knjigovodstvenih evidencija, rashodi koji su iskazani u godišnjem finansijskom izvještaju ne odgovaraju ostvarenim rashodima.
- Stranka je prekršila odredbe člana 11. stav (3) Zakona o finansiranju političkih stranaka<sup>1</sup> jer obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

Stranka udruženja penzionera Kladanj je prilog fizičkog lica u iznosu od 5.200,00 KM iskazala u obrascu 3-e (nenovčane donacije i računi koje stranka nije imala obavezu da plati) umjesto u obrascu 3-a (prilozi fizičkih lica), čime je prekršila odredbe člana 14. i 18. Pravilnika o godišnjim finansijskim izvještajima političkih stranaka.

---

<sup>1</sup> Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.

Služba za reviziju je pregledom dodatne finansijske dokumentacije, utvrdila da su troškovi stranke u 2008. godini iznosili 5.196,00 KM, a da je stranka u obrascu 4 iskazala ukupne rashode u iznosu 5.000,00 KM.

### **Troškovi predizborne kampanje**

Stranka udruženja penzionera Kladanj nije iskazala troškove izborne propagande. Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>2</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Stranka udruženja penzionera Kladanj je u svrhu izborne kampanje mogla da potroši 3.148,50 KM.

### **5.2. PREPORUKE**

*Preporučuje se Stranci udruženja penzionera Kladanj da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 11. stav (1) i (3) Zakona o finansiranju političkih stranaka, odnosno*
  - *da vodi evidencije o svojim prihodima i rashodima, i*
  - *da finansijske izvještaje koje podnosi Centralnoj izbornoj komisiji BiH sačinjava u skladu sa Pravilnikom o godišnjim finansijskim izvještajima političkih stranaka.*

### **KOMENTAR:**

U ostavljenom roku, Stranka udruženja penzionera Kladanj nije se očitovala na nalaze i mišljenje revizora dato u Preliminarnom izvještaju o pregledu godišnjeg finansijskog izvještaja za 2008. godinu.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora

---

<sup>2</sup> Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.